

七十二家集

梁簡文帝御製集卷之四

梁太宗簡文皇帝蕭綱著

詩

戲作謝惠連體十三韻

外編廣文選作沈約非

雜蔬映南庭庭中光景媚可憐  
枝上花早得春風意春風復有情  
拂幔且開楹一作開盈盈

一作開碧

煙拂幔復垂蓮偏使紅花散飄揚  
落眼前眼前多無況參差鬱相望  
珠繩翡翠帷綺幕芙蓉帳香煙出  
窻裡落日斜階上日影去遲遲節  
華咸

在茲桃花紅若點柳葉亂如絲絲條轉暮光影  
落暮陰長春燕雙雙舞春心處處揚酒滿心聊  
足萱枝愁不忘

和藉田

帝和武

禮經聞往說觀寶著遐篇豈如春路動祈穀重  
民天蒼龍引玉軼交旗影曲旃皮軒承早日豹  
尾拂游煙地廣重畦淨林芳翠幕懸青壇出長  
畎帷宮繞直阡秉耒光帝則報獻重皇虔度諧  
金石奏德厚歌頌詮三春潤蓂莢七月待鳴蟬

鯉魚顯嘉瑞銅雀應豐年不勞鄭國雨無榮鄴  
令田是知躬稼美燕聞富教宣

漢高廟賽神

玉軼朝行動闔闔旦應開白雲蒼梧去丹鳳咸  
陽來日正山無影城斜漢屢迴瞻流如地脈望  
嶺匹天台欲祛九秋恨聊舉十千杯

庾肩吾和賽漢高廟附

昔在唐山曲今承紫貝壇寧知臨楚岸非復  
望長安野曠秋先動林高葉早殘塵飛遠騎

沒日徙半峰寒徒然仰成誦終用試才難

劉孝儀和簡文帝賽漢高廟附

珪幣崇明祀牲樽禮貴神風驚如集廟光至  
似來陳徘徊靈駕入呌咷倡歌新將言非爲  
已致敬乃祈民多才與多事今古獨爲隣

劉遵和簡文帝賽漢高祖廟附

分蛇淪霸迹提劍滅雄威空餘清祀處無復  
瑞雲飛仙車照丹穴霓裳影翠微投珎要漢  
女吹管召湘妃幸逢懷精日豫奉沐休歸

王臺卿和簡文帝祭漢高祖廟附

沐芳事椒醕駕言遵壽宮瑤臺斜接岫玉殿  
上凌空樹出垂巖影竹引帶山風階長霧難  
歇窓高雲易通所悲樽俎撤按歌曲未終

徐陵和簡文帝賽漢高帝廟附

出宮類牛首漢寢若龍川玉盃無秋耐金燈  
滅夜煙丹幃迫靈嶽紺席下群仙堂虛浦筑  
響釵低戚舞妍何殊后廟裏子建作華篇

祠伍員廟

去國資孝本循忠全令名舟中多奇計蘆中復  
吐誠偃月交吳鱸魚麗入楚營光功推妙算載  
籍有餘聲洪濤震鼓怒靈廟尙淒清行潦承椒  
奠按歌雜鳳笙無勞晉后璧詎用楚臣纓密樹  
臨寒水疎扉望遠城窓寮野霧入衣帳積苔生  
惟有三青鳥歛翅時逢迎

守東華門開

脂車向馳道總轡息中華落關猶待漏交戟未  
通車薄雲初啓雨曙色始成霞塹流鋪紫若城

風泛橘花絃誦終無取顧已自懷嗟

春日想上林

春風本自奇楊柳最相宜柳條恒著地楊花好  
上衣處處春心動常惜光陰移西京董賢館南  
宛習都池荇間魚共樂桃上鳥相窺香車雲母  
幪駛馬黃金羈

喜疾瘳

朝窓猶掩扇宿幔未懸鉤逍遙臨四注兼持散  
九愁雖同衛子憊聊喜摯生瘳災星夜出境鳴



禽晚去樓蠲邪無賈服祆氣息梁牛隔簾陰翠  
篠映水含珠榴丹經蘊玉笥玄水出長洲結友  
尋方岳採藥訪圓丘神隨七星變貌逐五雲留  
飛鴻若可駕輕簪必易抽

卧疾

沈疴類弩影積弊似河魚詎逢龍子浴空歎楚  
王薤

劉孝威和簡文帝卧疾附

玉躬耗寒暑群望崇珪璧仁祀盛黃纁禮壇

優紆席憊均楚疾愈俄同宋年益豈勞誦賦  
臣寧用觀濤客

詠風

飄颻散芳勢泛漾下蓬萊傳涼入鏤檻發氣滿  
瑤臺委承周邦偃飛鰲宋都迴亟搖故葉落屢  
蕩新花開暫舞驚鳬去時送蕤香來已拂巫山  
雨何用卷寒灰

三月三日率爾成詩

芳年多美色麗景復妍遙握蘭唯是旦採艾亦

今朝迴沙溜碧水曲岫散桃夭綺花非一種風  
絲亂百條雲起相思觀日照飛虹橋繁華炫姝  
色燕趙豔妍妖金鞍汗血馬寶髻珊瑚翹蘭馨  
起縠袖蓮錦束瓊腰相看隱綠樹見人還自嬌  
玉柱鳴羅薦磔椀泛迴潮洛濱非拾羽滿握詎  
貽椒

晚春

紫蘭葉初滿黃鶯弄不稀石蹲還似獸蘿長更  
如衣水曲文魚聚林暝鴉鳥飛渚蒲變新節巖

桐長舊圍風花落未已山齋閒夜扉

和湘東王首夏

冷風雜細雨垂雲助麥涼竹水俱葱翠花蝶兩  
飛揚燕泥含復落鷓吟歛更揚卧石勝爲纜山  
橋樹作梁欲待萃池上明月吐清光

納涼

斜日晚駉駉池塘生半陰避暑高梧側輕風時  
入襟落花還就影驚蟬乍失林遊魚吹水沫神  
蔡上荷心翠竹垂秋采丹棗映疎砧無勞夜遊

曲寄此託微吟

晚景納涼

日移涼氣散懷抱  
信悠哉珠簾影空捲  
桂戶向池開  
烏棲星欲見  
河淨月應來  
橫階入細筵  
蔽地濕輕苔  
草化飛爲火  
蚊聲合似雷  
於茲靜聞見  
自此歎氛埃

初秋

羽翼晨猶動  
珠汗晝恒揮  
秋風忽嫋嫋  
向夕引涼歸  
浮陰卽染浪  
清氣始乘衣  
卷幌通河色  
開

窓引月輝晚花欄下照疎螢簾上飛直置猶如  
此何況送將歸

庾信奉和初秋附

落星初伏火秋霜正動鍾北闕連橫漢南宮  
應鑿龍祥鸞棲竹實靈蔡上芙蓉自有南風  
曲還來吹九重

秋夜

螢飛夜了的蟲思夕嚶嚶輕露沾懸井浮煙入  
綺寮檐重月沒早樹密風聲饒池蓮翻罷葉霜

篠生寒條端坐彌茲漏離憂積此宵

秋晚

浮雲出東嶺落日下西江促陰橫隱壁長暉斜  
度窓亂霞圓綠水紅葉影飛缸

上黃侯曄奉和太子秋晚詩附

副君乘暇景臨秋坐北宮杏梁照初月蓮池  
引夕風清暉洞藻井流香入綺櫳鵲聲時徙  
樹螢光乍滅空涼氛散簾席露色變林叢

大同八年秋九月

大君重九節下輦上林中酒闌嘉宴罷車騎各  
西東時余守西掖脂車歸北宮車分獨坐道扇  
拂冶城風落照灑中滿浮煙槐外通長樂含初  
紫安榴折晚紅

大同十年十月戊寅

喧塵是時息靜坐對重巒冬深柳條落雪後桂  
枝殘星明霧色淨天白鴈行單雲飛乍想閣冰  
結遠疑紈晚橘隱重屏枯藤帶迴竿荻陰連水

氣山峰添

一作

月寒



大同十一月庚戌

茲園植藝積山谷久紆威直興轉多緒真事亦  
因依是節嚴冬景寒雲掩落暉遠聞風瑟瑟亂  
視雪霏霏浪起川難渡林深人至稀山禽背逕  
走野馬歷塘飛

玄圃寒夕

洞門扉未掩金壺漏已催曉煙生澗曲暗色起  
林隈雪花無有帶冰鏡不安臺堦楊始倒挿浦  
桂半新栽陳根委落蕙紉並發香梅鴈去銜蘆

上獨戲繞枝來

奉答南平王康賚朱櫻

倒流映碧叢，點露擎朱實。  
花茂蝶爭飛，枝濃鳥相失。  
已麗金釵瓜，仍美玉盤橘。  
寧異梅似丸，不羨萍如日。  
永植平臺垂長與，雲桂密一作徒然。  
奉推甘終以愧操筆。

賦棗

浮華齊水麗，垂彩鄭都奇。  
白英紛靡靡，紫實標離離。  
風搖羊角樹，日映雞心枝。  
穀城踰石蜜，蓬

岳表仙儀已聞安邑美永茂玉門垂

西齋行馬

晨風白金絡桃花紫玉珂影斜鞭照曜塵起足  
蹉跎任俠稱六輔輕薄出三河風吹鳳凰袖日  
映織成靴遠江艫舳少還國煙霧多雲開瑪瑙  
葉水淨琉璃波廣路拂青柳廻塘繞碧莎不效  
孫吳術寧須趙李過

賦得隴坻鴈初飛

高翔憚濶海下去怯虞機霧暗早相失沙明還

共飛隴狹朝聲聚風急暮行稀  
雖弭輪臺援未解龍城圍  
相思不得返且寄別書歸

藥名詩

朝風動春草落日照橫塘  
重臺蕩子妾黃昏獨自傷  
燭映合歡被帷飄蘇合香  
石墨聊書賦鉛華試作粧  
徒令惜萱草蔓延滿空房

庾肩吾奉和藥名詩附

英王牧荆楚聽訟出池臺  
督郵稱蝗去亭長說烏來  
行塘朱鷺響當道赤帷開  
馬鞭聊寫

賦竹葉暫傾杯

卦名詩

櫛比園花滿徑復水流新離禽時入袖旅谷乍  
依蘋豐壺要上客鵠鼎命嘉賓車由泰夏闔馬  
散咸陽塵蓮舟雖未濟分密已同人

登城北望

登樓傳昔賦出薊表前聞灞陵忽回首河隄徒  
望軍茲焉聊廻眺極目杳難分一水斜開角雙  
城遙共雲

登琴臺

蕤階踐昔徑復想鳴琴遊音容萬春罷高名千載留弱枝生古樹舊石染新流由來遞相歎逝川終不收

餞別

行樂出南皮讌餞臨華池籜解篁開節花暗鳥迷枝窓陰隨影度水色帶風移徒命銜杯酒終成憫別離

送別

行行異沂海依依別路岐  
水苔隨纜聚乍柳拂  
舟垂石菌生懸葉江槎流  
卧枝燭盡悲宵去酒  
滿惜將離

晚景出行

一作美人

細樹含殘影春閨散晚香  
輕花髻邊墮微汗粉  
中光飛鳧初罷曲啼鳥忽  
度行羞令白日暮車  
騎鬱相望

春閨情

楊柳葉纖纖佳人懶纖纖  
正衣還向鏡迎春試

捲簾擣梅多繞樹覓燕好窺簷只言逐花草計較應非嫌

詠美人觀畫

殿上圖神女宮裏出佳人可憐俱是畫誰能辨  
僞真分明淨眉眼一種細腰身所可特爲異長  
有好精神

庾肩吾詠美人觀畫應令附

欲知畫能巧喚取真來映並出似分身相看  
如照鏡安釵等疎密著領俱周正不解平城



圍誰與丹青競

詠人棄妾

昔時嬌玉步含羞  
花燭邊豈言心愛斷  
銜啼私自憐  
但見歡成怨  
非關醜易妍  
獨鶴罷中路  
孤鸞死鏡前

美人晨粧

玉臺作簡文  
藝文作昭明

北窓向朝鏡  
錦帳復斜縈  
嬌羞不肯出  
猶言粧未成  
散黛隨眉廣  
臙脂逐臉生  
試將持出衆  
定得可憐名

和林下妓應令

夕光向夕歛促  
夕臨前池泉將影相得  
花與面相宜  
管聲長爲哢舞袂寫風枝  
歡樂不知醉  
千秋長若斯

夜聽妓

合歡蠲忿藥  
萱草忘憂條  
何如明月夜  
流風拂舞腰  
朱唇隨吹盡  
玉釧逐絃搖  
留賓惜別弄  
魚態動餘嬌

鄧鏗奉和夜聽妓聲附

燭華似明月，鬟影勝飛橋。妓兒齊鄭樂，爭妍學楚腰。  
新歌自作曲，舊瑟不須調。衆中俱不笑，座上莫相撩。

擬落日窓中坐

杏梁斜日照餘暉，映美人開函脫寶釧。向鏡理  
絢巾，游魚動池葉。舞鶴散階塵，空嗟千歲久。願  
得及陽春。

雪裏覓梅花

絕訝梅花晚，爭來雪裏窺。下枝低可見，高處遠

難知俱羞惜腕露相護到腰羸定須還剪綵  
作兩三枝

山齋

玲瓏繞竹澗開開通槿藩缺岸新成浦危石久  
爲門北榮下飛桂南柯吟夜猿暮流澄錦磧晨  
冰照彩鸞

徐陵奉和山齋附

架嶺承金闕飛橋對石梁竹密山齋冷荷開  
水殿香山花臨舞席水影照歌牀

晚日後堂

幔陰通碧砌日影度城隅  
羊柳垂長葉牕桃落  
細跗花留蛺蝶粉竹翳蜻蜓  
珠賞心無與共染翰獨踟躕

劉孝威奉和晚日附

虬簷挂珠箔虹梁卷霜綃  
迷迭酒香長芙蓉逐浪搖  
飛輪搏羽翳翻車引落潮  
甘泉推激水迎風慙遠颺  
寄言王待詔因聲張子僑  
吾君安已樂無勞誦洞簫

望月

流輝入畫堂初照上梅梁形同七子鏡影類九  
秋霜桂花那不落圓扇與誰粧空聞杜窓彈未  
舉西園觴

庾肩吾和望月附

桂殿月偏來留光引上才圓隨漢東蚌暈逐  
淮南灰渡河光不濕移輪轍詎開此夜臨清  
景還承終宴杯

開霽

景落商飈靖煙開四郊謐偃蹇暮山虹遊揚峯  
下日水紋城上動城樓水中出竟微共治功空  
卧淮陽秩

同劉諮議詠春雪

晚霞飛銀礫浮雲暗未開入池消不積因風墮  
復來思婦流黃素溫姬玉鏡臺看花言可折一作  
挿定自非春梅

雪朝

同雲凝暮序嚴陰屯廣濕落梅飛四注翻霰舞

三葉實斷望如連  
恒分似相及已觀  
池影亂復視簾珠濕

詠煙

浮空覆雜影含露  
密花藤乍如洛霞  
發頗似巫雲登映  
光飛百仞從風散  
九層欲持翡翠色  
時吐鯨魚燈

春日

年還樂應滿春歸  
思復生桃含可憐  
紫柳發斷腸青落  
花隨燕入游絲帶  
蝶驚邯鄲歌管地  
見



許欲留情

玄圃納涼

登山想劍閣逗浦憶辰陽  
飛流如凍雨夜月似秋霜  
螢翻競晚熱蟲忍引秋涼  
鳴波如礧石闇草別蘭香

劉緩奉和玄圃納涼附

清氣流暄濁非關狹室中  
當由小堂上自有大王風  
樵嶼動蘭室神飈起桂叢  
披襟深睿賞曲巷何由同

薄晚逐涼北樓廻望

平衢望如掌曾雉腰相連斷雲留去日長山減  
半天戲鳬乘湫下漁舟冒浪前

庾肩吾和晉安王薄晚逐涼北樓廻望  
應教附

向夕紛譚屏追涼飛觀中樹影臨城日牕含  
度水風遙天如接舂遠帆似凌空陪文慙宋  
玉徒等侍蘭宮

秋夜

高風度函谷墜露下芳枝綠潭倒雲氣青山銜  
月規花心風上轉葉影樹中移外遊獨千里夕  
嘆誰共知

七夕

秋期此時浹長夜徙河靈紫煙凌鳳羽紅光隨  
玉輶洛陽疑劍氣成都怪客星天梭織來久方  
逢今夜停

九月賦韻

是節愴陽數高秋氣已精簷芝逐月啓帷風衣

夜清遠燭承歌黛斜橋聞履聲梁塵下未息共  
愛賞心并

賦得橋

浮梁旣衝嶮通波信可陵乘空寫渭石跨斧擬  
河冰斜闌隱濁霧布影入清澗方知歌綠水無  
待榜蒼鷹

春日看梅花

昨日看梅樹新花已自生今旦聞春鳥何啻兩  
三聲凍解池開渌雲穿天半晴遊心不應動爲

此欲逢迎

和湘東王陽雲樓簷柳

曖曖陽雲臺春柳發新梅柳枝無極軟春風隨  
意來潭沲青帷閉玲瓏朱扇開佳人有所望車  
聲非是雷

初桃

初桃麗新采照地吐其芳枝間留紫燕葉裏發  
輕香飛花入露井交榦拂華堂若映窓前柳懸

小粧

詠橘

菱蕤映庭樹枝葉凌秋芳故條雜新實金翠共  
含霜攀枝折縹緗甘旨若瓊漿無假存雕飾玉  
盤余自嘗

香茅

銅律與鳴琴俱稱類君子豈若江淮間發葉超  
衆美珍同自牧歸茅因彙征起豈獨邁秦蘅方  
知蔑沅芷

繫馬

青驪沈赭汗綠地懸花蹄未垂青鞵尾猶掛紫  
障泥蹠足絆中憤搖頭櫪上嘶紫關如未息直  
去取榆溪

賦得舞鶴

來自芝田遠飛度武溪深振迅依吳市差池逐  
晉琴寄聲傳迴澗動翅拂花林欲知情外物伊  
洛有清潯

登板橋詠洲中獨鶴

遠霧且氛氲單飛纔可分孤鷺思嶼浦羈唼下

江濱意感東西水心迷四面雲誰知獨辛苦江  
上念離群

雙燕詩

雙燕有雄雌照日兩差池銜花落北戶逐蝶上  
南枝桂棟本曾宿虹梁早自窺願得長如此無  
令雙燕離

庾肩吾和晉安王詠燕附

可憐幕上燕差池弄羽衣夜夜同巢宿朝朝  
相對飛銜泥瞻樂善相賀奉英徽秋蟬行寂



寔戀此未辭歸

聽早蟬

草歇鷓鳴初蟬思花落後乍飲三危露時蔭五  
官柳莊書晒鵬翼衛賦宜螭首桂樹可淹留勿  
謂山中久

詠蛺蝶

空園暮煙起逍遙獨未歸翠鬣藏高柳紅蓮拂  
水衣復此從風蝶雙雙花上飛寄與相知者同  
心終莫違

詠螢

本將秋草并今與夕風輕  
騰空類星霄拂樹若花生  
屏凝神火照簾似夜珠明  
逢君拾光彩不悵此身傾

詠筆格

英華表玉笈佳麗稱蛛網  
無如茲制奇雕飾雜衆象  
仰出寫含花橫抽學仙掌  
幸因提拾用遂厠璇臺賞

詠鏡

鎚銖恒在側誰言覽鏡稀如水不見水似扇長  
含輝全開玳瑁匣併卷織成衣脫入相如手疑  
言趙璧歸

正月八日燃燈詩應令

藕樹交無極花雲衣數重織竹能爲象縛荻巧  
成龍落灰然薤盛垂油濕畫峰天宮倘若見燈  
王願可逢

和蕭東陽祀七里廟

萬里實幽宗三神亦天構豈謂木石精斯乃山

川守遠來太白旗遙徵青鳥候以茲敬弗怠方  
知教應富

賦詠五陰識枝詩

澆淳混神因心形復依色欲浪逐情飄愛網隨  
心織鑄金錐改狀斬籌方未極鵠觀旣無辯猿  
攀此焉息

被幽述志詩

恍忽煙霞散颼颼松栢陰幽山白楊古野路黃  
塵深終無千月命安用九丹金闕里長蕪沒蒼

天空照心

梁簡文帝御製集卷之五

梁太宗簡文皇帝蕭綱著

詩

和湘東王三韻二首

春宵

花樹含春叢羅帳夜長空風聲隨篠簹月色與  
池同綵牋徒自襞無信往雲中

冬曉

冬朝日照梁含怨下前牀帷寒竹葉帶鏡轉菱

花光會是無人見何用早紅粧

詠晚閨

珠簾向暮下妖姿不可追花風暗裏覺蘭燭帳  
中飛何時玉窓裏夜夜更縫衣

曉思

玉臺作  
蕭紀

晨禽爭學嘯朝花亂欲開爐煙入斗帳屏風隱  
鏡臺紅粧幾盡淚蕩子何當來

同庾肩吾四詠二首

藝文作昭明按肩吾  
爲簡文宮臣當以玉

臺爲

正

蓮舟買荷度

採蓮前舫隈舟子屢徘徊荷披衣可識風疎香  
不來欲知船度處當看荷葉開

照流看落釵

相隨照綠水意是重涼風流搖粧影壞釵落鬢  
花空佳期在何許徒傷心不同

賦樂名得箜篌

挨邊初挑吹弄急時催舞釧響逐絃鳴衫回半  
障柱欲知心不平君看黛眉聚



春日

花開幾千葉水覆數重衣蝶颺空舞燕作同心  
飛歌妖弄曲罷鄭女挾琴歸

賦得入堦雨

細雨堦前入灑砌復沾帷漬花枝鬱重濕鳥羽  
飛遲儻令斜日照併欲似遊絲

詠柳

垂陰滿上路結草早知春花繁時隨鳥風枝屢  
拂塵欲散依依采時要歌吹人

詠芙蓉

圓花一蒂卷交葉半心開影前光照耀香裏蝶  
徘徊欣隨玉露點不逐秋風催

詠梔子花

素華偏可憐的的半臨池疑爲霜裏葉復類雪  
封枝日斜光隱見風還影合離

賦得薔薇

石榴珊瑚藥木槿懸星葩豈如茲草麗逢春始  
發花迴風舒紫萼照日吐新芽

仰和衛尉新渝侯巡城口號

帝京風雨中層闕煙霞浮玉署清餘熱金城含  
暮秋水觀凌却敵槐影帶重樓

臨後園

隱淪遊少海神仙入太華我有逍遙趣中園復  
可嘉千株同落葉百丈共尋霞

雨後

散絲與山氣忽合復俄晴雷音稍入嶺電影尚  
連城雨餘雲稍薄風收熱復生

和會三教

聚沫多緣假標空非色香漢君雖起夢晉后徒  
降祚玄機昔未辯洞鑒資我皇

侍講詩

物善渥深慈監撫宣王事英邁八解心高超七  
花意

登錦堂

詩彙作  
鮑照非

孫生酸棗寺王子枝江樓何如登石鏡因閒猶  
豫遊

夜遊北園

星芒侵嶺樹月暈隱城樓  
暗花舒不覺明波動  
見流

遊韋黃門園

息車冠蓋里停轡仲長園  
簷疎遠興積賓至羽  
觴繁

入溱浦

泛水入迴塘空枝度日光  
竹垂懸掃浪鳬疑遠  
避檣

罷丹陽郡往與吏民別

久歸從事麥非畱故吏錢柳栽今尚在棠陰君  
詎憐

示晉陵弟

零雨岐路悲送歸臨水節時事雖爲舛離憂等  
閒別

夜望浮圖上相輪絕句

光中辯垂鳳霧裏見飛鸞定用方諸水持添承  
露盤

愁閨照鏡

別來顚顚久他人怪容色只有匣中鏡還持自  
相識

金閨思二首

遊子久不返妾身當何依日移孤影動羞覩燕  
雙飛

自君之別矣不復染膏脂南風送歸鴈聊以寄  
相思

寒閨

綠葉朝朝黃紅顏日日異譬喻持相比那堪不  
愁思

從頓還城南

暫別兩成疑開簷生舊憶都知未有情更似新  
相識

夜遣內人還後舟

錦幔扶船列蘭橈拂浪浮去燭猶文水餘香尚  
蒲舟

贈麗人



腰肢本猶絕眉眼特驚人判自無相比還來有洛神

遙望

散誕垂紅帔斜柯插玉簪可憐無有比恣許直千金

行雨

本是巫山來無人覩容色惟有楚王臣曾言夢相識

和人渡水

婉婉新上頭  
湔裙出樂遊  
帶前結香草  
鬟邊插石榴

雜詠

被空眠數覺  
寒重夜風吹  
羅帷非海水  
那得度前知

詠武陵王左右伍髡傳杯

頂分如兩髻  
簪長驗上頭  
投杯如欲轉  
疑殘已復畱

彈箏

彈箏北窓下夜響清音愁張高絃易斷心傷曲  
不適

梁塵

依帷蒙重翠帶日聚輕紅定爲歌聲起非關團  
扇風

遊人

遊戲長楊苑攜手雲臺間歡樂未窮已白日下  
西山

詠朝日

團團出天外  
煜煜上層峰  
光隨浪高下  
影逐櫓輕濃

望月

今夜月光來  
正上相思臺  
可憐無遠近  
光照悉徘徊

華月

兔絲生雲夜  
蛾影出漢時  
欲傳千里意  
不照十年悲

詠雲

浮雲舒五色  
瑪瑙應霜天  
玉葉散秋影  
金風飄紫煙

浮雲

一片雲生暫  
重復還輕欲  
使襄王夢應  
過白帝城

大同九年七月

高樓闌左扇  
廻望依蘭橈  
晚風颺颺來  
落照參差好

詠薔薇

燕來枝益軟風飄花轉光  
氤氲不肯去還來階  
上香

檀

凌寒競貞節負雪固難虧  
無慚雲母桂詎減珊瑚  
枝

詠疏楓

萎綠映葭青疏紅分浪白  
花葉灑行舟仍持送  
遠客

詠藻

纖條寄喬木弱影掣風斜  
標春抽曉翠出霧掛  
懸花

詠飛來鷗鷺

飛從何處來似出上林隈  
口銜長生葉翅染昆明  
明苔

詠單鳬

銜苔入淺水刷羽向沙洲  
孤飛本欲去得影更  
淹留

詠寒鳬

迴水浮輕浪沙塲弄羽衣  
耿耿隨山沒離離倚海飛

新燕

新禽應節歸俱向吹樓飛  
入簾驚釧響來窓礙舞衣

蜂

逐風從泛漾照日乍依微  
知君不留眄銜花空自飛

詠籠燈絕句



動紈翠帷裏散影羅帳前  
花心生復落明銷君詎憐

賦得白羽扇

可憐白羽扇却暑復來薰  
終無顧庶子誰爲一揮軍

詠獨舞

因羞強正釵顧影時迴袂  
非關善留客更是嬌夫壻

詠舞

登山馬

一本疊開  
樹二字

閒樹識金裝  
草舍宜羈短影

轉見鞭長何殊八公  
屾暫上淮南王

和湘東王古意詠燭

花中燭似將人意同  
憶啼流膝上燭  
燭落  
花中

倡樓怨節

六言

朝日斜來照戶春  
鳥爭飛出林  
片光片影皆麗  
一聲一轉煎心上  
林紛紛花落淇水  
漠漠苔浮  
年馳節流易盡何爲  
忍憶含羞

和蕭侍中子顯春別四首

以下  
七言

別觀葡萄帶實垂江南蔓生連枝無情無意  
猶如此有心有恨徒別離

可憐淮水去來潮春堤楊柳拂河橋淚痕未燥  
詎終朝行聞玉珮已相要

桃紅李白若朝粧羞持顚顚比新芳不惜暫住  
君前死愁無西國更生香

蜘蛛作絲滿帳中芳草結葉當行路紅臉脈脈  
一生啼黃鳥飛飛有時度故人雖故昔經新新

人雖新復應故

藝文作江總聞怨  
詩玉瑩作簡文

蕭子顯春別四首附

翻鶯度燕雙比翼楊柳千條共一色但看陌  
上携手歸誰能對此空相憶

江東大道日華春垂楊挂柳掃輕塵淇水昨  
送淚沾巾紅粧宿昔已應新

銜悲攬涕別心知桃花李花任風吹本知人  
心不似樹何意人別似花離

幽宮積草自芳菲黃鳥著樹情相依爭風競  
日常聞響重花疊葉不通飛當知此時動妾

思慙使羅袂拂君衣

夜望單飛鴈

天霜河白夜星稀一鴈聲嘶何處歸  
早知半路應相失不如從來本獨飛

應令

鱗浦惡兮川路長白雲重兮出帝鄉  
平原忽兮遠極目江甸阻兮羈心傷  
樹廬岳兮高且峻瞻派水兮去泱泱  
遠煙生兮含山勢風散花兮傳馨香  
臨清波兮望石鏡瞻鶴嶺兮睇仙莊  
望邦

昔今千里曠悲遙夜今九迴腸顧龍樓今不可  
見徒送目今淚沾裳

擬古

以下  
雜言

鏡紅鬢鏡斂雙眉含愁拭淚坐相思念人一去  
許多時眼語笑靨迎來情心懷心想甚分明憶  
人不忍語含恨獨吞聲

劉孝威擬古應教附

雙樓翡翠兩鴛鴦巫雲洛月乍相望誰家妖  
冶折花枝蛾眉曼睨使情移青鋪綠璫琉璃

扉瓊筵玉筍金縷衣美人年幾可十餘含羞  
轉笑歛風裾珠丸出彈不可追空留可憐持  
與誰

春情

顰黃花紫燕相追楊低柳含露塵飛已見垂鈎  
挂綠樹誠知淇水沾羅衣兩童夾車問不已五  
馬城南猶未歸鶯啼春欲駛無爲空掩扉

傷離新體

傷離復傷離別後情鬱紆悽悽隱去棹惘惘憺

還途慙慙意不申轉顧獨沾襟前驅經御宿後  
騎歷河漣胡香翼還慙清笳送後塵落日斜飛  
蓋餘暉承畫輪柳影長橫路槐枝深隱人桂宮  
文簾銅龍屏甲館宵垂雲母幃臙臙月色上的  
的夜螢飛草香襲余袂露灑沾人衣帶堞凌城  
雲亂聚排枝度葉鳥爭歸盤中浮一作綠蟻不能  
酌琴聞玉徽調別鶴別鶴千里別離聲絃調軫  
惡心自驚試起登南樓還向華池遊前時篠生  
今欲合近日栽荷尚不抽猶是銜杯共賞處今



茲對此獨生愁登樓望曖曖山川自分態偃師  
雖北連轅轅已南背遠聽寂無聞遙瞻目有闕  
含毫意不迷長嘆憶無賴

聯句

曲水聯句

春色明上巳桃花落繞溝波廻后不進綸下鈎

時留

王

導絳水時廻岸花觴轉更周陳肴渡王俎

垂餌下銀鈎

王臺卿

廻川入帳殿列組間芳洲漢

艾凌波出江楓拂岸遊

庾有

王生廻水碓蔡嫗

蕩輕舟岸燭斜臨水波光上映樓

下殿

八關齋夜賦四城門更作四首

第一賦韻東城門病

伏枕愛危光痾纏生易折無因雪岸草慮及砭

山穴

徐防

消渴腴腸腑疼寒嬰肢節如何促齡內

憂苦無暫缺

孔熹

### 南城門老

蘆蕉誠易犯危藤復將囓一隨柯已微當年信

長訣

諸葛

已同白駒去復類紅花熱妍容一旦

罷孤燈行有設

君

### 西城門死

綏心雖殊用滅景寧優劣一隨業風盡終歸塵

妄設

王臺卿

五陰誠爲假六趣寧有截零落竟同

歸憂思空相結

李鏡遠

### 比城門沙門

俗幻生影空憂繞心塵墮於茲排四纏去矣求

三涅槃

下殿

下學輩留心方從寄冥別已悲境相空

復作泡雲滅

庾肩吾

### 第二賦韻東城門病

空痾誠易愈有病故難痊徒知餌五色終當悲

九泉

王臺卿

已無雲山草沈痾竟誰憐復悲淪苦

海何由果淨天

諸葛嶺

南城門老

昔類紅蓮草自玩綠池邊今如白華樹還悲明

鏡前

殿下

壯心欲何在餘日乃西遷清樽不復樂

蓬鬢豈還妍

徐防

西城門死

高堂信逆旅懷業理常牽玉匣方委觀金臺不

復延

庾肩吾

挽聲隨逕遠蘿影帶松懸詎能留十

念唯應逐四緣

君

北城門沙門

經行林樹下求道志能堅既有神通力振錫遠

乘烟

李鏡遠

一登四弘誓至道莫能先不貪曠劫

壽無論促延年

孔熹

第三東城門病

纏痼緬百年自傷無五福長縈畫篋蛇不值仙

人鹿

殿下

習染迷畫瓶臥起求棲宿羅襦豈再歡

臨岐方土木

庾肩吾

南城門老

少年愛紈綺，衰暮暫羅縠。徒傷歲冉冉，冉陳詩非

郁郁

王臺卿

鶴髮辭軒冕，鮐背烹葵菽。松柏稍相

依，懼愛時陸陸。

李鏡遠

### 西城門死

追念平生時，遨遊上苑囿。一汲松柏下，春光徒

儵昱

孔熹

結根素因假，枝葉緣骨肉。自應螻蟻驅

值此風刀逐

諸葛瞻

### 北城門沙門

俗繭厭纏絲，因田抽普穀。長披忍辱鎧，去此纖

服膺引三塗衆俱令十使伏珠月僧沈首

金鐔未挑目

君

### 第四東城門病

紫紵未可得漳濱徒再離一逢犬馬病賁育罷

驅馳

李鏡遠

已無九轉術復闕萬金奇不看授彊

掌唯夢蓮花池

君

### 南城門老

盛年歌吹日顧步惜容儀一朝衰朽至星星白

髮垂

孔

已傷萬事盡復念九門枝垂軒意何在



獨坐鏡如斯

史有吾

西城門死

一息於今罷平生詎可規天長曉露促千齡誰

復知

殿

華堂一相捨松帳杳難窺萬祀藏珠應

千年罷玉羈

徐防

北城門沙門

深心不可染正道亦難欻方除五欲累長辭三

雅卮

王臺卿

依空慮難靜習善路猶弛沒身竟

託單孟詎待賞

諸葛瞻